

實用藥性辭



實用藥性辭典

四明胡安邦編

補氣助陽藥類

人參

〔別名〕 人蔘。黃參。血參。人身。人御。鬼蓋。土精。玉精。地精。神草。海腴。皺面黃丹。全井玉蘭。遼東參。吉林參。

〔產地〕 我國吉林遼甯產者最良。山西長子縣。雲南姚安縣。安徽舒城縣。亦有出產。高麗產出頗富。日本美國亦有之。

〔成分〕 主要成分。大體爲揮發油。與河波甯。及含水炭素類。

〔性味〕 呈微弱之酸性反應。味甘苦。性微溫。微有香氣。

〔主治〕 人參爲大補元氣要藥。功能治一切衰弱瘵癆。通行周身。補五臟之氣。瀉五臟之火。効益雖多。而其功頗緩。紅色名別直參（亦曰高麗參）性溫而力較峻。

〔本經〕 主補五臟。安精神。定魂魄。止驚悸。除邪氣。明目。開心益智。

〔別錄〕 療腸胃中冷。心腹鼓痛。胸脅逆滿。霍亂吐逆。調中止消渴。通血脈。

〔甄權〕 主五勞七傷。虛損痿弱。止嘔噦。補五臟六腑。保中守神。消胸中痰。治肺痿。及痢疾冷氣上逆。傷寒不下食。凡虛而多夢。紛紜者加之。

〔李珣〕 止煩躁。變酸水。

〔大明〕 消食開胃。調中治氣。殺金石藥毒。

〔元素〕 治肺胃陽氣不足。肺氣虛促。短氣少氣。補中緩中。瀉心肺脾胃中火邪。止渴生津液。

〔綱目〕 治男婦一切虛證。發熱自汗。眩暈頭痛。反胃吐食。痰瘕滑瀉。久痢。小便頻數。淋瀝。勞倦。

內傷。中風中暑。痿痺吐血。嗽血。下血。血淋。血崩。白汗盜汗。胎前產後諸病。

〔用量〕 普通五分至三錢。大劑一兩。

〔禁忌〕 凡肺家有熱諸證。及陰虛火動之候。與痘疹初發。身雖熱而斑點未形。與傷寒始作。形證未定而邪熱熾。均忌。反藜蘆。

〔藥價〕 吉林參。每兩五十元至八十元。

吉林參鬚。每兩五元至八元。別直參。抵制。

台黨參。每兩一元四角。

潯黨參。每兩一元四角。

太子參。每兩一元二角。

〔編者經驗〕 其主要效能。為強

壯劑。凡肺癆。神經衰弱。陰痿。遺精。貧血。與腎臟病。子宮病。及一切體力消耗所起之病症。皆可用。於神經衰弱之頭痛眩暈。尤有特效。但亦有謂久服人參。則呈頭痛頭重。及腦充血之症狀者。

〔附錄〕

〔參條〕 乃人參之橫生蘆頭上者。其力甚薄。止可用以調理常病。生津止渴。其性橫行。凡指臂無力者。服之甚效。

〔參鬚〕 橫生蘆頭上而更細者。其性與參條同而力尤薄。

〔太子參〕 雖甚細如參條。短緊結實而有蘆紋。功似人參。〔參蘆〕 乃人參之蘆頭。性苦

溫。能涌吐虛勞痰飲。可代瓜蒂。為探吐良藥。加竹瀝吐頑痰良。

〔參葉〕 乃人參之葉。大苦大寒。損氣敗血。其性與人參相反。

〔珠兒參〕 參之產於閩中者。味苦微甘。性寒。補肺降火。肺熱者宜之。

〔土人參〕 味甘淡香。性微寒。補氣生津。治欬嗽喘逆。痰壅火升。久瘧淋瀝。難產經閉。瀉痢由於肺熱。反胃噎膈。由於燥濕。凡有升無降之症。用之効。

黃著

〔別名〕黃芪。黃耆。黃嗜。綿耆。王

孫戴槿。蜀脂。百木。艾草。甘板麻。

〔產地〕山西。陝西。均有出產。但

產山西綿上者爲良。

〔成分〕含有〔祕魯培林〕之植

物鹽基。

〔性味〕味甘。性微溫。無毒。

〔主治〕黃耆爲補氣要藥。功能

助肺氣。實皮毛。升清氣。瀉火氣。

補虛損。五癆。痘瘡不起。外症治

癰疽。托毒止痛。

〔本經〕主癰疽久敗瘡。排膿止

痛。大風癩疾。五痔鼠瘻。補虛小

兒百病。

〔別錄〕女人子臟冷。逐五臟間

惡血。補丈夫虛損。五勞羸瘦。止

渴。腹痛。洩痢。益氣。利陰氣。

〔甄權〕主虛喘。腎衰耳聾。療寒

熱。治發背。內補。

〔日華〕助氣。壯筋骨。長肉。補血。

破癥癖。療癰瘻。贅。腸風血崩。帶

下。赤白痢。產前後一切病。月候

不勻。痰嗽。頭風。熱毒。赤目。

〔元素〕治虛勞自汗。補肺氣。瀉

肺火。心火。實皮毛。益胃氣。去肌

熱。及諸經之痛。

〔好古〕太陰瘡疾。陽維爲病。苦

寒熱。督脈爲病。逆氣裏急。

〔用量〕普通生者錢半至三錢。

炙者八分至三錢。大劑一二兩。

〔禁忌〕黃耆功能實表。有表邪

者忌。又能塞補不足。胸膈氣閉

悶。腸胃有積滯者忌。又能補陽。

陽盛陰虛者忌。與夫上焦熱甚。

下焦虛寒。及病人多怒。肝氣不

和。並痘瘡血分熱盛者均忌。

〔藥價〕每兩四角。

〔編考經驗〕其功用有五。補虛

不足一也。益元氣二也。壯脾胃

三也。去肌熱四也。排膿止痛。活

血生血。內托陰疽五也。無汗能

發。有汗能止。故黃耆得防風。其

功更大。二藥每相須而行。玉屏

風散是也。

〔附錄〕

〔黃耆皮〕性味功用同黃耆。

善走表。逐水濕。治虛浮及脚

腫。

白朮

〔別名〕天生朮。冬朮。山薑。楊枹。

山連。山薊。抱薊。馬薊。楊薊。白大毒。

【產地】 產河南浙江安徽及各

地。爲山間多年野生草。根細者

如指。大者如拳。外微褐。肉白。入

藥。

【性味】 味甘。(或作苦)性溫。無

毒。

【主治】 白朮爲健脾胃要藥。功

能利水去濕。和中調氣。外科用

托瘍瘡。

【本經】 主風寒溼痺死肌。經疽。

止汗除熱消食。

【別錄】 大風在身面。風眩頭痛。

眼淚出。消痰水。逐皮間風水結

腫。除心下急滿。霍亂吐下不止。

利腰臍間血。益津液。暖胃。消穀。

嗜食。

【甄權】 治心腹脹滿。腹中冷痛。

胃虛下利。多年氣痢。除寒熱。止

嘔逆。

【大明】 反胃。利小便。主五癆七

傷。補腰膝。長肌肉。治冷氣弦癰

氣塊。婦人冷癥瘕。

【元素】 除溼益氣。消痰逐水。生

津。止渴。止瀉痢。消足脛溼腫。除

胃中熱。肌熱。得枳實消痞滿。氣

分。佐黃芩安胎清熱。

【好古】 理胃益脾。補肝風虛。主

舌本強。食即嘔。胃脘痛。心下急

痛。心下水痞。衝脈爲病。氣逆裏

急。臍腹痛。

【用量】 普通錢半至三錢。大劑

二三兩。

【禁忌】 凡病屬陰虛血少。精不

足。內熱骨蒸。口乾唇燥。欬嗽吐

痰。吐血。鼻血。齒血。咽塞。便秘滯

下。均忌潰瘍用之。反能生膿。作

痛。忌與蛤蜊。雀桃。李。松。菜。青魚同

食。

【藥價】 白朮每兩三角。

於朮每兩一元至三元。

【編者經驗】 其作用在腸胃內。

除激腸胃之分泌增加。蠕動迅

速外。其餘別無其他作用。入血

中。即能令血液之循環增速。血

壓加大。腎臟之血管亦同時膨

漲。而利尿之機能。遂因此而增

速。故能健胃。利小便。止泄瀉也。

【附錄】

【於朮】 白朮之產於浙江於

潛者。號於朮。性尤馴良。脾陽虧極。無力運化。泄瀉不止。惟用於朮以調之。

甘草

〔別名〕 主人。大嗽。落草。汾草。靈草。蜜草。靈通。國老。蜜甘。袍罕草。倫蜜珊瑚。

〔產地〕 產四川。陝西。及湖北。江蘇。福建等省。日本種植頗多。

〔成分〕 爲甘草糖。此外含有辛烈性軟脂。餘爲纖維膠質。

〔性味〕 味甘。性平。無毒。

〔主治〕 甘草爲調和周身氣血要藥。功能解百毒。補臟腑。瀉諸火。在上祛痰止咳。在中調和脾胃。在下清熱利溲。入和劑則補。

益。入汗劑則解肌。入涼劑則瀉熱。入潤劑則生津。入峻劑則緩正氣。制藥之暴性。効益甚多。爲諸藥之君。

〔本經〕 主五臟六腑寒邪熱氣。堅筋骨。長肌力。倍力。金瘡。燔解毒。

〔別錄〕 溫中。下氣。煩滿短氣。傷臟。欬嗽。止渴。通經脈。利氣血。解百藥毒。爲九土之精。安和七十二種石。一千二百種草。

〔甄權〕 主腹中冷痛。治驚癇。除腹脹滿。補益五臟。腎氣內傷。令人陰不痿。主婦人血瀝腰痛。凡虛而多熱者加用之。

〔大明〕 安魂定魄。補五勞七傷。一切虛損。驚悸。煩悶。健忘。通九。

竅。利百脈。益精養氣。壯筋骨。〔丹溪〕 甘草味甘。大緩諸火。〔東垣〕 生用瀉火熱。熟用散表寒。去咽痛。緩正氣。養陰血。補脾胃。潤肺。

〔好古〕 吐肺痿之膿血。消五臟之瘡疽。

〔仲醇〕 凡解毒必入甘草。

〔綱目〕 解小兒胎毒驚癇。降火止痛。又甘草頭生用。能行肝腎二經瘀濁之血。消腫導毒。甘草梢生用。治胸中積熱。去莖中痛。加酒煮延胡索苦楝子尤妙。

〔用量〕 普通生者五分至錢半。炙者三分至一錢。大劑一兩左右。

〔禁忌〕 凡中滿人嘔家酒家諸。

濕腫滿。及脹滿病均忌。反大戟。甘遂。芫花。海藻。惡遠志。忌豬肉。

〔藥價〕 每兩三角五分。

〔編者經驗〕 用作緩和及祛痰藥。功能解百毒。補臟腑。瀉諸火。

調和諸藥。入和劑則補益。入汗劑則解肌。入涼劑則瀉邪熱。入潤劑則生津。入峻劑則緩正氣。制藥之暴性。功效甚多。

〔附錄〕

〔甘草頭〕 功同甘草。善行足。

厥陰陽明（肝胃）二經濁血。

治小兒遺尿。癰腫。解毒。

〔甘草梢〕 功達下焦。為清熱

之品。治玉莖中作痛。（加酒

煮延胡索。苦楝子尤佳）胸

中積熱。

茯神

〔產地〕 詳見茯苓條。即抱松根而生。質較鬆者。綱目寓木氣。

〔性味〕 味甘。性平。無毒。

〔主治〕 茯神為安神要藥。主止

驚悸。多悲怒。開心益智。治風眩

風虛。心下堅滿。辟不祥。

〔別錄〕 主辟不祥。療風眩風虛。

五勞口乾。止驚悸。多悲怒。善忘。

開心益智。安魂魄。養精神。

〔甄權〕 補勞乏。主心下急痛。堅

滿。人虛而小腸不利者。加而用

之。

〔用量〕 普通錢半至三錢。

〔禁忌〕 病人腎虛。小水自利。或

不禁。忌用。

〔藥價〕 每兩七角。

〔編者經驗〕 主治略同茯苓。但

茯苓入脾腎之用多。茯神則入

心之用多。乃安神要藥也。

〔附錄〕

〔茯神木〕 乃茯神心內木也。

又名黃松節。主偏風口面喎

斜。毒風筋攣不語。心神驚掣。

虛而健忘。腳氣痹痛。心神驚

掣。治肝風內煽。發厥不省人

事。加乳香木瓜。療風寒濕痹。

諸筋攣縮。行步艱難。甚良。

胡桃

〔別名〕 核桃。胡桃。吳桃。羌桃。唐

楸子。播羅子。陳平珍果。

〔產地〕 產我國陝西河南等地。

核有凸凹頗深之紋。圓而堅。仁入藥。

〔成分〕藥效上之成分。是否爲脂肪油。尙未可知。但其營養之質料。則爲蛋白質。脂肪。水分。無窒素。有機物。纖維。灰分等。

〔性味〕味甘。性溫平。無毒。

〔主治〕胡桃爲固補要藥。主補氣養血。潤肌黑髮。益命門。治虛寒。斂肺瀉精。胡桃脬治耳聾。皮膚肺化痰。治喘。固精。

〔開寶〕主令人肥健。潤肌黑髮。多食利小便。能脫人眉。動氣故也。去五痔。外青皮染髭。研傅瘰癧瘡。

〔孟詵〕食之令人能食。通潤血脉。骨肉細膩。宜少食。漸漸加之。

〔綱目〕補氣養血。潤燥化痰。益命門。利三焦。溫肺潤腸。治虛寒喘嗽。腰脚重痛。血痢。腸風。制銅毒。

〔用量〕普通二三錢。

〔禁忌〕性熱不可多食。多食動氣。脫人眉。生痰動腎火。凡肺家有痰熱。命門火熾。陰虛吐衄等症。均忌。

〔編者經驗〕用爲滋養強壯藥。主補氣養血。潤肌黑髮。益命門。治虛寒。令人肥健。

附子

〔別名〕白波串。新羅白肉。

〔產地〕產我國四川山野。亦可種植。冬播而春生苗。其初種之

根。生成小塊狀者曰烏頭。附烏頭旁生而大者卽附子。又附生而變形者曰天雄。小者毒強而大者毒少。故近人多取用附子。亦曰大附子。

〔性味〕味辛甘。性大熱。有大毒。

〔主治〕附子爲扶元回陽。補火退寒要藥。主寒溼痿痹。癰疽。積聚。命門火衰。脾胃虛寒。治寒霍亂。轉筋。陽氣暴脫。及真寒假熱。陽氣欲散。癰寒痰。溼痰。寒痛。陰疽。

〔本經〕主風寒。咳逆。邪氣。寒溼。踴蹇。拘攣。膝痛。不能行步。破癥。堅積聚。血瘕。金瘡。

〔別錄〕腰脊風寒。脚氣寒冷。弱心腹冷痛。霍亂轉筋。下痢赤白。

溫中強陰。堅肌骨。又墮胎爲百藥長。

〔元素〕 溫暖脾胃。除脾溼。腎寒。補下焦之陽虛。

〔東垣〕 除臟腑沉寒。三陽厥逆。濕淫腹痛。胃寒虺動。治經閉。補虛散寒。

〔好古〕 腎脈爲病。脊強而厥。

〔綱目〕 治三陰傷寒。陰毒陰疔。

中寒中風。痰厥氣厥。柔瘳及癰。痢小兒慢驚。風溼麻痺。腫滿脚氣。頭風腎厥。頭痛暴瀉。脫陽久痢。脾泄寒瘡。瘡氣久病嘔噦。反胃噎膈。癰疽不斂。久漏冷瘡。合葱涕塞耳治聾。

〔用量〕 普通一錢至三錢。大劑一二兩。

〔禁忌〕 烏頭附子。用豆腐蒸熟。或黑大豆蒸熟者。謂之熟烏頭。

熟附子。味淡而力薄。不能用以救急。生者僅去皮臍。味鹹而力猛。可以救急。宜慎用之。經疏曰。一切陽證。火證。熱證。陰虛內熱。血液衰少證。均忌忌鼓汁畏飴。

〔藥價〕 附片每兩五角。

附塊每兩四角。

〔編者經驗〕 附子功效。不勝枚舉。用之得當。取效甚速。不當則爲害亦捷。其功用。以治氣脫陽亡之症爲最得力。蓋其具有撥亂反正。通脉回陽之大力也。

肉桂

〔別名〕 連桂。棟桂。官桂。大桂。木

桂。丹桂。尉佗生。尉佗桂。咄者。丹陽木皮。

〔產地〕 產安南及我國雲南兩廣等地。木高大。皮入藥。

〔成分〕 含樹脂。揮發油。單甾酸。肉桂精。肉桂油。乳糖。澱粉等質。

〔性味〕 味辛甘。性大熱。有小毒。

〔主治〕 肉桂爲溫補要藥。主扶火助陽。溫中逐寒。能引火歸元。

治上熱下寒。破沉寒痼冷。療霍亂轉筋。心腹諸痛。疝瘕奔豚。

〔本經〕 主溫中。利肝肺氣。心腹

寒熱冷疾。霍亂轉筋。頭腰痛出

汗。止煩止唾。咳嗽。鼻衄。能墮胎

堅骨節。通血脈。理疎不足。宣導

百藥。

〔元素〕 補下焦不足。治沉寒痼

冷之病。去榮衛中風寒。表虛自

汗。春夏爲禁藥。秋冬下部腹痛

非此不能止。

〔好古〕補門不足。能益火消

陰。

〔汪昂〕木得桂而枯。又能抑肝

風而扶脾土。脾虛惡食。溼盛洩

瀉。補勞通經。

〔用量〕普通三分至一錢。

〔禁忌〕忌生葱石脂及火炙。凡

陰虛內熱。液少口乾者。慎用。食

木實或瓜類中毒。及閉口蜀椒

中毒。俱用肉桂煎汁飲之。可解。

〔藥價〕看貨定價。

〔編者經驗〕用作健胃強壯藥。

亦可發汗。治消化不良。初期痢

疾。中醫用以增加體力。老人及

柔弱者多服之。

〔附錄〕

〔桂心〕主補陽活血。治一切

風氣。補五勞七傷。通九竅利

關節。益精明目。煖腰膝。破瘀

癰。癰瘰。消瘀血。治風痺骨節

攣縮。續筋骨。生肌肉。〔日華〕

主九種心痛。腹內冷氣痛。不

可忍。欬逆結氣。壅塞。脚痺不

仁。止下利殺三蟲。治鼻中息

肉。破血。通利月閉。胎衣不下。

〔甄權〕主引血化汗。化膿。內

托癰疽。瘡瘡。治噎膈腹滿。〔

備要〕

肉菰蓉

〔別名〕金筍。別當。肉菰蓉。黑司

命。碧水龍。

〔產地〕生於各處高山。爲一種

寄生植物。莖富肉質。葉細如鱗。

〔性味〕味甘酸鹹。性溫無毒。

〔主治〕肉菰蓉爲益髓壯陽要

藥。功能治精血不足。陽痿不舉。

女子絕產。陰痛。潤枯燥。滑大腸。

〔本經〕主五勞七傷。補中除壅。

中寒熱痛。養五臟。強陰益精氣。

多子。婦人癥瘕。

〔別錄〕除膀胱邪氣。腰痛。止痢。

〔甄權〕益髓悅顏色。大補壯陽。

治女人血崩。

〔大明〕男子絕陽不興。女人絕

陰不產。潤五臟。長肌肉。煖腰膝。

男子洩精血。遺瀝。女子帶下。陰

痛。

〔用量〕 普通二錢至三四錢。

〔禁忌〕 凡泄瀉。腎中有熱。強陽易興而精不固者均忌。忌犯鐵氣。

〔藥價〕 每兩四角五分。

淡萆蓉每兩二元八角。

〔編者經驗〕 凡命門相火不足者。以此補之。乃腎經血分藥也。強筋健髓。以萆蓉鮮魚二味爲末。黃精汁丸服之。力可十倍。此說出乾寧記。

鎖陽

〔產地〕 生北地山野間。我國甘肅酒泉縣產者良。

〔性味〕 味甘。性溫。無毒。

〔主治〕 鎖陽爲強筋壯陽要藥。

功能治精血不足。滑腸潤筋。

〔丹溪〕 主大補陰氣。益精血。利大便。虛人大便燥結者可代萆蓉煮粥。不燥結者勿用。

〔用量〕 普通二錢至三四錢。

〔禁忌〕 凡泄瀉。腎中有熱。強陽易興而精不固者均忌。忌犯鐵氣。

〔藥價〕 每兩一角。

〔編者經驗〕 鎖陽性質。與肉萆蓉相似。蓋溫補腎火之品也。

羊肉

〔產地〕 羊有山羊綿羊兩種。處處有之。以北方產者爲良。

〔性味〕 味苦甘。性大熱。無毒。

〔主治〕 羊肉爲助元陽益虛癆

要藥。主溫中補虛。開胃增食。益氣血。充形骸。治虛癆寒冷。心弱。

善驚。壯陽道。益精髓。

〔別錄〕 主暖中。字乳餘疾。及頭腦大風。汗出。虛癆。寒冷。補中益氣。安心止驚。

〔思邈〕 止痛。利產婦。

〔孟詵〕 治風眩瘦病。丈夫五癆七傷。小兒驚癇。

〔日華〕 開胃健力。

〔用量〕 普通爲服食之品。入藥無定量。

〔禁忌〕 煎時和杏仁盛瓦器。使易爛。合胡桃則不燥。反半夏葛蒲。同蕎麥豆醬食。發痼疾。同醋食。傷人心。同生魚酪。能害人。孕婦食之。令子多熱。骨蒸。虛疾。熱。

痢。與癰腫瘡瘍。消渴吐血。嘈雜
易飢。一切火證。均忌。不可用銅
器煮。令男子損陽。女子暴下。中
羊肉毒。以生甘草湯解之。

〔附錄〕

〔羊膏〕 乃羊之脂肪。經火力熔
煉而出者。味甘。性熱。無毒。主潤
肌膚。透肌肉。經絡。治虛癆口乾。
能柔銀軟銅。治誤吞銅鐵。

〔羊血〕 味鹹。性平。無毒。主卒驚。
解誤吞蜈蚣水蛭。誤食莽草胡
蔓諸毒。〔刺出血。乘熱飲之。〕

治九竅出血。便血。婦人血虛中
風。產後血攻。胞衣不下。忌與豬
血同食。能使鼻出長毛。可用乳
石礱砂等分爲丸。臨臥服十九。
其毛自落。

〔羊肝〕 味苦。性寒。無毒。主補肝
明目。治肝風虛熱。目赤熱痛。病

後失明。視物瞢瞢。外治貼赤眼。
及婦人陰露。

〔羊腎〕 味甘。性溫。無毒。主補腎。
壯陽。治虛損勞傷。腎虛精竭。下

焦虛冷。小便淋瀝。療腰痛。癆痢。
消渴盜汗。

〔羊乳汁〕 味甘。性溫。無毒。主潤
五臟益精氣。治乾嘔。反胃。虛癆。

消渴。中風。心痛。蚰蜒入耳。灌之
化爲水。蜘蛛咬毒。飲之即解。

鹿茸

〔別名〕 鹿虫。袋角。囊角。茄子茸。

九女春。冲天室。

〔產地〕 鹿產山林中。處處有之。

我國西北及東三省爲多。其茸
及角入藥。綱目獸類。

〔性味〕 味甘鹹。性溫。無毒。

〔主治〕 鹿茸爲大補真陽聖藥。

主養血益陽。強筋健骨。生精充
髓。治男子虛癆。老人精衰。腰膝
無力。滑精。眩暈。婦人漏帶下。

〔本經〕 主漏下惡血。寒熱驚瘦。

益氣強志。生齒不老。

〔別錄〕 療虛癆。洒洒如虐。羸痢

四支酸疼。腰脊痛。小便數利。洩

精溺血。破瘀血在腹。散石淋。癰

腫。骨中熱疽癢。胎下氣。殺鬼

精物。久服耐老。不可近丈夫陰

令痿。

〔日華〕 補男子腰腎虛冷。脚膝

無力。夜夢鬼交。精溢自出。女人

崩中漏血。赤白帶下。炙末空心酒服。方寸匕。壯筋骨。

【綱目】生精補髓。養血益陽。強筋健骨。治一切虛損。耳聾目暗。眩暈。虛痢。

【用量】普通七分至錢半。

【禁忌】壯年慎用。陰虛火旺者忌之。麻勃爲使。畏大黃。不可嗅。有蟲恐入鼻。藥不能治。男子陰莖近入。易於痿弱。

【藥價】鹿茸每兩八十元。

鹿角每兩一元二角。

鹿角膠每兩三元。

鹿角霜每兩一元二角。

【編者經驗】鹿爲純陽之品。心熱而燥。專補元陰。又能補骨血。堅陽道。益精髓也。治癰疽。亦爲

陰症而火衰者。方爲可用。世人亦將麋角僞爲之。麋茸角利補陽。鹿利補陰。佐以他藥則有功。此不可不知也。

【附錄】

【鹿角】味鹹。性溫。無毒。主益氣補陽。強骨髓。續絕傷。治腰

脊痛。心腹痛。少腹血急痛。脫精尿血。夜夢鬼交。療女子胞中餘血不盡欲死。燒灰服以酒服。惡瘡癰疽。煮成粉。名鹿角霜。治脾胃虛寒嘔逆。食少便溏。

【鹿角膠】又名白膠。味甘。性

平。無毒。主補中益氣。長肌。增髓。止痛。安胎。黑鬚髮。強筋骨。壯腰膝。生精血。治傷中虛損。

癆嗽。吐血。尿血。下血。多汗淋露。腰痛羸瘦。四肢作痛。

海狗腎

【別名】溫牝。骨狍。骨訥。骨豹。

狍獸。

【產地】產東海渤海。其陰莖及

辜丸與臍相連接。切取而用之。故又名溫牝。

【性味】味鹹。性大熱。無毒。

【主治】爲健腎壯陽要藥。主暖

腰膝。助陽氣。破癥結。冷癖。治精寒。痿弱。鬼氣尸疰。男子色傷。

【藏器】主鬼氣尸疰。夢與鬼交。

鬼魅狐魅。心腹痛。中惡邪氣。宿血結塊。疥癩。蠱瘦。

【藥性】治男子宿癥氣塊。積冷

癆氣。腎精衰損。多色成癆。瘦悴。

【日華】補中益腎氣。暖腰膝。助

陽氣。破癥結。療驚狂。痢疾。

【海藥】五癆七傷。陰痿少力。腎

虛。背脾癆悶。面黑精冷。最良。

【用量】普通用一全具。

【禁忌】性熱助陽。凡陰虛火熾。

強陽不倒。或陽事易舉。及骨蒸

癆嗽等證。均忌。

【藥價】大者廿四元。小者十六

元。

補骨脂

【別名】破故紙。破故芷。破胡紙。

反古紙。胡韭子。天豆。

【產地】產我國四川及兩廣。暹

邏安南等地俱有之。結細小圓。

形之實。外皮黑色。中心黑褐。

【性味】味辛。或作苦辛。性溫。

（或作大溫）無毒。

【主治】補骨脂爲補腎扶火要

藥。功能煖丹田。壯元陽。主治冷

瀉。遺精。遺尿。便數。腰膝冷痛。脾

腎虛寒。

【開寶】主五癆七傷。風虛冷。骨

髓傷敗。腎冷精流。及婦人血氣

墮胎。

【甄權】男子腰疼。膝冷囊溼。逐

諸冷痺頑。止小便。腹中冷。

【大明】興陽事。明耳目。

【綱目】治腎泄。通命門。煖丹田。

斂精神。

【用量】普通一錢至三錢。

【禁忌】凡病陰虛火動。陽道妄

舉。夢遺尿血。小便短濇。目赤口

苦舌乾。大便燥結。內熱作渴。火

升易飢。嘈雜。濕熱成痿。以致骨

乏無力者。均忌。忌芸薹（卽油

菜）及諸血

【藥價】每兩六分。

【編者經驗】補骨脂助命門而

煖丹田。收斂神明。能使心胞之

火與命門之火相通。故元陽堅

固。骨髓充實。濡以治脫也。

骨碎補

【別名】猴薑。猢猻薑。右菴薑。

【產地】產我國廣東陝西及淮

浙等地。生長石上。根似薑而細。

入藥。

【性味】味苦。性溫。無毒。

【主治】 骨碎補爲閃傷折損要

藥主補骨行傷。治風血疼痛。養

筋絡。固精髓。療齒痛。止久瀉。

【開寶】 主破血。止血。補傷折。

【甄權】 主骨中毒氣風血疼痛。

五癆六極。足手不收。上熱下冷。

【大明】 惡疾蝕爛肉。殺蟲。

【綱目】 研末豬腎夾煨。空心食。

治耳鳴及腎虛久泄牙疼。

【用量】 普通一錢至三錢。

【禁忌】 不宜與風燥藥同用。

【藥價】 每兩四分。

【編者經驗】 骨碎補入婦科血

氣藥。蜀人治筋骨傷損。取根搗

篩。煮黃米粥。和裹傷處有效。故

能入骨固齒。以其能補腎骨。蓋

腎主骨齒爲骨之餘也。雷公用

以治耳鳴。亦腎之竅也。

蛤蚧

【產地】 產我國兩廣雲南等地

山谷中。雄者爲蛤。雌者爲蚧。混

名蛤蚧。交合時甚緊。分擘之雖

死不開。

【性味】 味鹹。(或作甘)性平。

(或作溫)有小毒。

【主治】 蛤蚧爲補肺納腎要藥。

主虛喘。治久咳。益精血。壯陽道。

療折傷癆損。肺痿咯血。通月經。

下淋瀝。

【開寶】 主久咳嗽。肺癆傳尸。殺

鬼物邪氣。下淋瀝。通水道。

【日華】 下石淋。通月經。治肺氣。

療欬血。

【海藥】 肺痿咯血。欬嗽上氣。治

折傷。

【綱目】 補肺氣。益精血。定喘止

嗽。療肺癰消渴。助陽道。

【用量】 普通成對入藥。

【禁忌】 凡使去眼入藥。因其毒

在眼也。入丸散中。宜去頭足肉

毛。洗除不潔之物。酥炙或蜜炙

用。其尾力尤緊。尾不全者不效。

【藥價】 每對三元。

【編者經驗】 蛤蚧補肺虛癆嗽。

合人參用。大補元氣。益陰血。助

精扶羸。肺主出氣。主腎納氣。此

物肺腎並補。何大英云。定喘納

氣莫於此。

紫河車

〔別名〕 胞衣。

〔產地〕 乃婦女產後落下之胞衣也。色紫者入藥。

〔性味〕 味甘鹹。性溫。無毒。

〔主治〕 紫河車主添精助氣。益血扶虛。治男女虛癆。失志恍惚。

〔藏器〕 主血氣羸瘦。婦人癆損。面黧皮黑。腹內諸病。漸瘦悴者。治淨以五味和之。勿令服者知。

〔吳球〕 治男女一切虛損癆極。癰痢失志恍惚。安心養血。益氣補精。

〔用量〕 普通修治一具。作一料。分數次服用。

〔禁忌〕 凡精虛陰涸。水不勝火。發爲咳嗽。吐血。骨蒸盜汗等證。此屬陽盛陰虛。法當壯水之主。

以鎮陽光。不宜服此並補之劑。以耗將竭之陰。胃火齒痛亦忌。

〔藥價〕 每兩二元。

〔編者經驗〕 河車治虛癆。當以骨蒸藥佐之。氣虛加補氣藥。血虛加補血藥。

〔別名〕 益志子。英華庫。

〔產地〕 產安南及我國福建兩廣。其子作多角形。氣芳香。皆似豆蔻。色紅褐。

〔性味〕 味辛。性溫。無毒。

〔主治〕 益智仁爲壯元氣理虛祛寒藥。功能益脾胃。補心腎。澀精氣。通氣鬱。主遺精泄瀉。胃寒嘔吐。振腎陽。縮小便。止崩帶。

〔網目〕 心氣不足。夢洩赤濁。熱傷心系。吐血。血崩諸證。

〔用量〕 普通八分至二錢。

〔禁忌〕 凡證屬燥熱。病人有火者。不宜用。故嘔吐由熱而不由氣。氣逆由怒而不由虛。小便餘瀝。由水涸精虧內熱。而不由腎

益智仁

〔藏器〕 主遺精。虛漏。小便餘瀝。益氣安神。補不足。利三焦。調諸氣。夜多小便者。

〔東垣〕 治客寒犯胃。和中益氣。及人多唾。

〔好古〕 益脾胃。理元氣。補腎虛。滑澀。

〔初菴〕 澀精固氣。宣通氣鬱。溫中進食。攝涎唾。縮小便。冷氣腹痛。泄精。女人崩帶。

〔綱目〕 心氣不足。夢洩赤濁。熱傷心系。吐血。血崩諸證。

〔用量〕 普通八分至二錢。

〔禁忌〕 凡證屬燥熱。病人有火者。不宜用。故嘔吐由熱而不由氣。氣逆由怒而不由虛。小便餘瀝。由水涸精虧內熱。而不由腎

氣虛寒。洩瀉。由濕火暴注而不
由氣虛腸滑均忌。

〔藥價〕 每兩二角。

〔編者經驗〕 益智辛熱。能開發
鬱結。使氣宣通。本是脾藥。主君
相二火。在桔梗丸則入肺。在四
君子湯則入脾。在大風髓丹則
入腎。三臟互有子母相關之義。
當於補藥中兼用之。勿多服。

淫羊藿

〔別名〕 仙靈脾。棄枝草。放枝草。
黃連祖。乾鷄肋。三枝九葉草。

〔產地〕 產四川北部。據云其地

有淫羊。一日百遍合。乃食此藿
所致。葉爲卵圓形。類杏葉。入藥。
〔性味〕 味辛苦。性溫。（或作小

寒）無毒。

〔主治〕 淫羊藿爲壯陽益精要
藥。功能治陽痿莖痛。堅筋骨。利

小便。

〔本經〕 主陰痿絕傷。莖中痛。利
小便。益氣力強志。

〔別錄〕 堅筋骨。消癰癰赤癰。下
部有瘡。洗出蟲。丈夫久服令人
無子。

〔大明〕 治丈夫絕陽無子。女人
絕陰無子。老人昏耄。中年健忘。
一切冷風癰氣。筋骨攣急。四肢
不仁。補腰膝。強心力。

〔用量〕 普通錢半至三錢。

〔禁忌〕 凡虛陽易舉。夢遺不止。
便赤口乾。強陽不痿均忌。得酒
良。

〔藥價〕 每兩一角。

〔編者經驗〕 淫羊藿。甘溫。能益
精氣。能補命門。故用以治陽衰
慾念淡薄而無子者則可。若用
以助慾則不可。蓋陽旺而慾必
不節。頻御女而精外洩。非但無
益。抑且受害。用者慎之。

巴戟天

〔別名〕 巴棘。女本。不凋草。三蔓
草。柳葉草。丹田霖雨。老鼠刺根。

〔產地〕 產四川者最佳。多生山
林內。葉經冬不枯。根似聯珠。入

藥。

〔性味〕 味辛甘。性微溫。無毒。

〔主治〕 巴戟天爲補氣益精要
藥。功能祛風除濕。強筋骨。壯元